



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/7319
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	14.09.2021	015/2021

Stortingsvalet 2021 - godkjenning av valstyret si møtebok

14.09.2021 Valstyret:

Handsaming i møtet:

Marianne Soleng og Jan Erik Boge orienterte om status for oppteljinga av seint innkomne førehandsrøyster (d.v.s. førehandsrøyster i konvolutt som var komne fram til kommunen i tidsrommet laurdag 11.09.2021 til tysdag 14.09.2021 kl. 17.00). Dei seint innkomne førehandsrøystene vart talde av administrasjonen før valstyremøtet sitt møte 14.09.2021, saman med 20 ordinære førehandsrøyster i konvolutt som vart lagt til sides på valdagen 13.09.2021.

Marianne Soleng gjekk etter dette gjennom valstyret si møtebok for stortingsvalet 2021. Møteboka vart samrøystes godkjent av valstyret. Møteboka vart òg underskriven av valstyremedlemmene.

VAL- 015/2021 Vedtak:

Valstyret si møtebok for stortingsvalet 2021 vert godkjent.

Rådmannen sitt framlegg til vedtak:

Valstyret si møtebok for stortingsvalet 2021 vert godkjent.

Dokument som ikkje er vedlagt:

Vallova, valforskrifta

Kva saka gjeld:

Det skal skrivast møtebok for valstyret i Samnanger for stortingsvalet 2021. Møteboka inneheld fire kapittel:

- Administrative forhold
- Førebels oppteljing av førehandsrøyster
- Førebels oppteljing av valtingsrøyster
- Endeleg oppteljing

Møteboka blir generert/ produsert i det elektroniske valadministrasjonssystemet EVA. Dette kan ikkje gjerast før all nødvendig informasjon er lagt inn i EVA etter at røystesetlane er opptalde. Møteboka skal godkjennast av valstyret og underskrivast av alle som møter i valstyret.

Kopi av den godkjende møteboka skal følgja røystesetlane når desse vert leverte til fylkeskommunen. Administrasjonen har no fått informasjon frå fylkeskommunen om at leveringa til fylkeskommunen skal skje onsdag 15.09.2021. Valstyret si møtebok må derfor godkjennast før dette.

Valstyret si møtebok kan ikkje godkjennast før fristen for mottak av seint innkomne førehandsrøyster har gått ut. Denne fristen er kl. 17.00 tysdag 14.09.2021 (dagen etter valdagen).

Møtet der valstyret skal godkjenna møteboka var i den opprinnelege møteplanen sett opp onsdag 15.09.2021. Møtedatoen må på grunn av innleveringa til fylkeskommunen onsdag 15.09.2021 flyttast ein dag fram, til tysdag 14.09.2021. Møtetidspunktet vert kl. 19.00 – ca. 20.30. Administrasjonen vil då ha nødvendig tid til å registrera seint innkomne førehandsrøyster inn i valadministrasjonssystemt EVA før møtet i valstyret startar. Valstyret si møtebok vil ved å ha møtet 14.09.2021 også verta godkjent tidsnok til å få levert møteboka og røystesetlane til fylkeskommunen onsdag 15.09.2021.